

# 大佛頂如來密因修證了義諸菩薩萬行首楞嚴經(卷第十)

辛四、行陰魔相<sup>分三</sup> 壬初、具示始終 二、中間十境 三、結害囑護  
壬初<sup>分二</sup> 癸初、始修未破區宇 二、終破顯露妄源 癸初<sup>分二</sup> 子初、攝前  
想陰盡相 二、狀示行陰區宇 今初

阿難！彼善男子，修三摩地，想陰盡者，是人平常，夢想消滅，  
寤寐恆一，覺明虛靜，猶如晴空，無復羶重前塵影事，觀諸世間，  
大地山河，如鏡鑑明，來無所粘，過無蹤跡，虛受照應，了罔陳  
習，惟一精真。

子二、狀示行陰區宇

生滅根元，從此披露，見諸十方，十二眾生，畢殫其類，雖未通

首楞嚴經卷第十 四六三

四六四 首楞嚴經卷第十

其各命由緒，見同生基，猶如野馬。熠熠清擾，爲浮根塵，究竟  
樞穴，此則名爲，行陰區宇。

癸二、終破顯露妄源

若此清擾，熠熠元性，性入元澄，一澄元習，如波瀾滅，化爲澄  
水，名行陰盡。是人則能，超眾生濁，觀其所由，幽隱妄想，以  
爲其本。

壬二、中間十計<sup>分十</sup> 癸初、二種無因<sup>至</sup> 十、五現涅槃 癸初<sup>分三</sup> 子初、  
標由示墜 二、詳釋其相 三、結成外論 今初

阿難當知：是得正知，奢摩他中，諸善男子，凝明正心，十類天  
魔，不得其便，方得精研，窮生類本。於本類中，生元露者，觀

彼幽清，圓擾動元，於圓元中，起計度者，是人墜入，二無因論。

子二、詳釋其相<sup>分二</sup> 丑初、本無因 二、末無因 丑初<sup>分三</sup> 寅初、據己見量

一者，是人，見本無因。何以故？是人既得生機全破，乘於眼根，八百功德，見八萬劫，所有眾生，業流灣環，死此生彼，祇見眾生，輪迴其處，八萬劫外，冥無所觀。

寅二、謬成邪計

便作是解：此等世間，十方眾生，八萬劫來，無因自有。

寅三、失真墮外

由此計度，亡正<sup>知</sup>，墮落外道，惑菩提性。

丑二、末無因<sup>分三</sup> 寅初、據己見量

首楞嚴經卷第十四六五

四六六首楞嚴經卷第十

二者，是人，見末無因。何以故？是人於生，既見其根，知人生人，悟鳥生鳥，鳥從來黑，鵠從來白，人天本豎，畜生本橫，白非洗成，黑非染造，從八萬劫，無復改移。

寅二、謬成邪計

今盡此形，亦復如是，而我本來，不見菩提，云何更有，成菩提事？當知今日，一切物象，皆本無因。

寅三、失真墮外

由此計度，亡正<sup>知</sup>，墮落外道，惑菩提性。

子三、結成外論

是則名為，第一外道，立無因論。

癸二、四種常分三 子初、標由示墜

阿難！是三摩中。諸善男子，凝明正心，魔不得便，窮生類本。觀彼幽清，常擾動元，於圓常中。起計度者，是人墜入，四常論。

子二、詳釋其相分四 丑初、心境計常

一者、是人，窮心境性。二處無因，修習能知，二萬劫中，十方眾生，所有生滅，咸皆循環，不曾散失，計以為常。

丑二、四大計常

二者、是人，窮四大元。四性常住，修習能知，四萬劫中，十方眾生，所有生滅，咸皆體恆，不曾散失，計以為常。

首楞嚴經卷第十四六七

四六八首楞嚴經卷第十

丑三、八識計常

三者、是人，窮盡六根，未那執受，心意識中，本元由處，性常恆故。修習能知，八萬劫中，一切眾生，循環不失，本來常住，窮不失性，計以為常。

丑四、想盡計常

四者、是人，既盡想元，生理更無，流止運轉，生滅想心。今已永滅，理中自然，成不生滅，因心所度，計以為常。

子三、結成外論

由此計常，亡正知，墮落外道，惑菩提性。是則名為，第二外道，立圓常論。

癸三、四種顛倒分三 子初、標由示墜

又三摩中，諸善男子，堅凝正心，魔不得便，窮生類本，觀彼幽清，常擾動元，於自他中，起計度者，是人墜入，四顛倒見，一分無常，一分常論。

子二、詳釋其相分四 丑初、雙約自他

一者、是人，觀妙明心，■十方界，湛然以爲，究竟神我。從是則計，我■十方，凝明不動，一切眾生，於我心中，自生自死。則我心性，名之爲常，彼生滅者，真無常性。

丑二、約他國土

二者、是人，不觀其心，■觀十方，恆沙國土。見劫壞處，名爲

首楞嚴經卷第十四六九

四七〇首楞嚴經卷第十

究竟，無常種性；劫不壞處，名究竟常。

丑三、約自身心

三者、是人，別觀我心，精細微密，猶如微塵，流轉十方，性無移改，能令此身，即生即滅，其不壞性，名我性常。一切死生，從我流出，名無常性。

丑四、雙非自他

四者、是人，知想陰盡，見行陰流，行陰常流，計爲常性，色受想等，今已滅盡，名無常性。

子三、結成外論

由此計度，一分無常，一分常故，墮落外道，惑菩提性，是則名

爲第三外道，一分常論。

癸四、四種有邊<sup>分三</sup> 子初、標由示墜

又三摩中，諸善男子，堅凝正心，魔不得便，窮生類本，觀彼幽清，常擾動元，於分位中，生計度者，是人墜入，四有邊論。

子二、詳釋其相<sup>分四</sup> 丑初、約三際

一者、是人，心計生元，流用不息。計過未者，名爲有邊。計相續心，名爲無邊。

丑二、約見聞

二者、是人，觀八萬劫，則見眾生，八萬劫前，寂無聞見，無聞見處，名爲無邊，有眾生處，名爲有邊。

首楞嚴經卷第十四 四七一

四七二 首楞嚴經卷第十

丑三、約彼我

三者、是人，計我 $\blacksquare$ 知，得無邊性。彼一切人，現我知中，我曾不知，彼之知性；名彼不得，無邊之心，但有邊性。

丑四、約生滅

四者、是人，窮行陰空，以其所見，心路籌度，一切眾生，一身之中，計其咸皆半生半滅。明其世界，一切所有，一半有邊，一半無邊。

子三、結成外論

由此計度，有邊無邊，墮落外道，惑菩提性，是則名爲，第四外道，立有邊論。

癸五、四種矯亂分三 子初、標由示墜

又三摩中，諸善男子，堅凝正心，魔不得便。窮生類本，觀彼幽清，常擾動元，於知見中，生計度者，是人墜入，四種顛倒，不死矯亂，**計虛論**。

子二、詳釋其相分四 丑初、八亦矯亂

一者、是人，觀變化元，見遷流處，名之爲變。見相續處，名之爲恆。見所見處，名之爲生。不見見處，名之爲滅。相續之因，性不斷處，名之爲增。正相續中，中所離處，名之爲減。各各生處，名之爲有。互互亡處，名之爲無。以理都觀，用心別見。有求法人，來問其義，答言我今，亦生亦滅，亦有亦無，亦增亦減，

首楞嚴經卷第十四七三

四七四首楞嚴經卷第十四

於一切時，皆亂其語，令彼前人，遺失章句。

丑二、惟無矯亂

二者、是人，諦觀其心，互互無處，因無得證，有人來問，惟答一字，但言其無，除無之餘，無所言說。

丑三、惟是矯亂

三者、是人，諦觀其心，各各有處，因有得證，有人來問，惟答一字。但言其是，除是之餘，無所言說。

丑四、有無矯亂

四者、是人，有無俱見，其境杖故，其心亦亂，有人來問，答言亦有，即是亦無，亦無之中，不是亦有，一切矯亂，無容窮詰。

子三、結成外論

由此計度，矯亂虛無，墮落外道，惑菩提性。是則名爲，第五外道，四顛倒性，不死矯亂，計虛論。

癸六、有十六相<sup>分三</sup> 子初、標由示墜

又三摩中，諸善男子，堅凝正心，魔不得便，窮生類本，觀彼幽清，常擾動元，於無盡流，生計度者，是人墜入，死後有相，發心顛倒。

子二、詳釋其相

或自固身，云色是我。或見我圓，含國土，云我有色。或彼前緣，隨我迴復，云色屬我。或復我依，行中相續，云我在色。皆

首楞嚴經卷第十四七五

四七六首楞嚴經卷第十

計度言，死後有相，如是循環，有十六相。從此或計，畢竟煩惱，畢竟菩提，兩性並驅，各不相觸。

子三、結成外論

由此計度，死後有故，墮落外道，惑菩提性，是則名爲，第六外道，立五陰中，死後有相，心顛倒論。

癸七、八種無相<sup>分三</sup> 子初、標由示墜

又三摩中，諸善男子，堅凝正心，魔不得便。窮生類本，觀彼幽清，常擾動元，於先除滅，色受想中，生計度者。是人墜入，死後無相，發心顛倒。

子二、詳釋其相

見其色滅，形無所因；觀其想滅，心無所繫，知其受滅，無復連綴，陰性銷散，縱有生理，而無受想，與草木同。此質現前，猶不可得，死後云何，更有諸相？因之勘校，死後相無，如是循環，有八無相。從此或計，涅槃因果，一切皆空，徒有名字，究竟斷滅。

### 子三、結成外論

由此計度，死後無故，墮落外道，惑菩提性，是則名爲，第七外道，立五陰中，死後無相，心顛倒論。

### 癸八、八種俱非<sup>分三</sup> 子初、標由示墜

又三摩中，諸善男子，堅凝正心，魔不得便，窮生類本，觀彼幽

首楞嚴經卷第十四七七

四七八首楞嚴經卷第十

清，常擾動元，於行存中，兼受想滅，雙計有無，自體相破，是人墜入，死後俱非，起顛倒論。

### 子二、詳釋其相

色受想中，見有非有，行遷流內，觀無不無。如是循環，窮盡陰界，八俱非相，隨得一緣，皆言死後，有相無相。又計諸行，性遷訛故，心發通悟，有無俱非，虛實失措。

### 子三、結成外論

由此計度，死後俱非，後際昏瞢，無可道故，墮落外道，惑菩提性。是則名爲，第八外道，立五陰中。死後俱非，心顛倒論。

### 癸九、七際斷滅<sup>分三</sup> 子初、標由示墜



又三摩中，諸善男子，堅凝正心，魔不得便。窮生類本，觀彼幽清，常擾動元，於後後無，生計度者，是人墜入，七斷滅論。

子三、詳釋其相

或計身滅，或欲盡滅，或苦盡滅，或極樂滅，或極捨滅。如是循環，窮盡七際，現前消滅，滅已無復。

子三、結成外論

由此計度，死後斷滅，墮落外道，惑菩提性，是則名為，第九外道，立五陰中，死後斷滅，心顛倒論。

癸十、五現涅槃<sup>分三</sup> 子初、標由示墜

又三摩中，諸善男子，堅凝正心，魔不得便，窮生類本，觀彼幽

首楞嚴經卷第十四七九

四八〇首楞嚴經卷第十

清，常擾動元，於後後有，生計度者，是人墜入，五涅槃論。

子二、詳釋其相

或以欲界，為正轉依，觀見圓明，生愛慕故；或以初禪，性無憂故；或以二禪，心無苦故；或以三禪，極悅隨故；或以四禪，苦樂二亡，不受輪迴，生滅性故。迷有漏天，作無為解，五處安隱，為勝淨依，如是循環，五處究竟。

子三、結成外論

由此計度，五現涅槃，墮落外道，惑菩提性，是則名為，第十外道，立五陰中，五現涅槃，心顛倒論。

壬三、結害囑護<sup>分三</sup> 癸初、示因交互

阿難！如是十種，禪那狂解，皆是行陰，用心交互，故現斯悟。

### 癸二、迷則成害

眾生頑迷，不自忖量，逢此現前，以迷爲解，自言登聖，大妄語成，墮無間獄。

### 癸三、囑令保護

汝等必須，將如來語，於我滅後，傳示末法，令眾生，覺了斯義，無令心魔，自起深孽，保持覆護，消息邪見。教其身心，開覺真義，於無上道，不遭歧歧，勿令心祈，得少爲足，作大覺王，清淨標指。

辛五、識陰魔相 分三 壬初、具示始終 二、中間十境 三、結害囑護

首楞嚴經卷第十四八二

四八二首楞嚴經卷第十四

壬初 分二 癸初、始修未破區宇 二、終破顯露妄源 癸初 分二 子初、躡前行陰盡相 二、狀示識陰區宇 今初

阿難！彼善男子，修三摩地，行陰盡者，諸世間性，幽清擾動，同分生機，倏然隳裂，沉細綱紐，補特伽羅，酬業深脈，感應懸絕。

### 子二、狀示識陰區宇

於涅槃天，將大明悟，如雞後鳴，瞻顧東方，已有精色。六根虛靜，無復馳逸，內外湛明，入無所入。深達十方，十二種類，受命元由；觀由執元，諸類不召，於十方界，已獲其同；精色不沉，發現幽秘。此則名爲，識陰區宇。

癸二、終破顯露妄源

若於群召，已獲同中，銷磨六門，合開成就，見、聞通鄰，互用清淨。十方世界，及與身心，如吠■璃，內外明徹，名識陰盡。是人則能，超越命濁，觀其所由，罔象虛無，顛倒妄想，以為其本。

壬二、中間十執分十 癸初、因所因執至十、定性辟支 癸初分三 子初、行盡識現

阿難當知：是善男子，窮諸行空，於識還元，已滅生滅，而於寂滅，精妙未圓。

子二、謬解成答

首楞嚴經卷第十 四八三

四八四 首楞嚴經卷第十

能令己身，根隔合開，亦與十方，諸類通覺，覺知通■，能入圓元。若於所歸，立真常因，生勝解者，是人則墮，因所因執，娑毗迦羅，所歸冥諦，成其伴侶，迷佛菩提，亡失知見。

子三、出名警覺

是名第一，立所得心，成所歸果，違遠圓通，背涅槃城，生外道種。

癸二、能非能執分三 子初、行盡識現

阿難！又善男子，窮諸行空，已滅生滅，而於寂滅，精妙未圓。

子二、謬解成答

若於所歸，覽為自體，盡虛空界，十二類內，所有眾生，皆我身

中，一類流出。生勝解者，是人則墮，能非能執，摩醯首羅，現無邊身，成其伴侶。迷佛菩提，亡失知見。

子三、出名警覺

是名第二，立能爲心，成能事果，違遠圓通，背涅槃城，生大慢天，我■圓種。

癸三、常非常執分三 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

若於所歸，有所歸依，自疑身心，從彼流出，十方虛空，咸其生起，即於都起，所宣流地，作真常身，無生滅解。在生滅中，早

首楞嚴經卷第十四八五

四八六首楞嚴經卷第十

計常住，既惑不生，亦迷生滅，安住沉迷。生勝解者，是人則墮，常非常執；計自在天，成其伴侶。迷佛菩提，亡失知見。

子三、出名警覺

是名第三，立因依心，成妄計果，違遠圓通，背涅槃城，生倒圓種。

癸四、知無知執分三 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

若於所知，知■圓故，因知立解，十方草木，皆稱有情，與人無異。草木爲人，人死還成十方草樹，無擇■知。生勝解者，是人

則墮，知無知執，婆吒、霰尼，執一切覺，成其伴侶。迷佛菩提，亡失知見。

子三、出名警覺

是名第四，計圓知心，成虛謬果，違遠圓通，背涅槃城，生倒知種。

癸五、生無生執分三 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

若於圓融，根互用中，已得隨順，便於圓化，一切發生，求火光明，樂水清淨，愛風周流，觀塵成就，各各崇事，以此群塵，發

首楞嚴經卷第十四八七

四八八首楞嚴經卷第十

作本因，立常住解，是人則墮，生無生執。諸迦葉波。並婆羅門，勤心役身，事火崇水，求出生死，成其伴侶，迷佛菩提，亡失知見。

子三、出名警覺

是名第五，計者崇事，迷心從物，立妄求因，求妄冀果，違遠圓通，背涅槃城，生顛化種。

癸六、歸無歸執分三 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

若於圓明，計明中虛，非滅群化，以永滅依，爲所歸依。生勝解

者，是人則墮，歸無歸執；無想天中，諸舜若多，成其伴侶。迷佛菩提，亡失知見。

子三、出名警覺

是名第六，圓虛無心，成空亡果，違遠圓通，背涅槃城，生斷滅種。

癸七、貪非貪執分三 子初、行盡識空

又善男子，窮諸行空，已滅生滅，而於寂滅，精妙未圓。

子二、謬解成答

若於圓常，固身常住，同於精圓，長不傾逝。生勝解者，是人則墮，貪非貪執；諸阿斯陀，求長命者，成其伴侶。迷佛菩提，亡

首楞嚴經卷第十四八九

四九〇首楞嚴經卷第十

失知見。

子三、出名警覺

是名第七，執著命元，立固安因，趣長勞果，違遠圓通，背涅槃城，生妄延種。

癸八、真無真執分三 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

觀命互通，留塵勞，恐其銷盡，便於此際，坐蓮華宮，廣化七珍，多增寶媛，恣縱其心。生勝解者，是人則墮，真無真執，吒枳、迦羅，成其伴侶。迷佛菩提，亡失知見。

子三、出名警覺

是名第八，發邪思因，立熾塵果，違遠圓通，背涅槃城，生天魔種。

癸九、定性聲聞<sup>分三</sup> 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

於命明中，分別精麤，疏決真偽，因果相酬，惟求感應，背清淨道；所謂見苦斷集，證滅修道，居滅已休，更不前進。生勝解者，是人則墮定性聲聞。諸無聞僧，增上慢者，成其伴侶。迷佛菩提，亡失知見。

首楞嚴經卷第十四九一

四九二首楞嚴經卷第十

子三、出名警覺

是名第九，圓精應心，成趣寂果，違遠圓通，背涅槃城。生纏空種。

癸十、定性辟支<sup>分三</sup> 子初、行盡識現

又善男子，窮諸行空，已滅生滅，而於寂滅，精妙未圓。

子二、謬解成答

若於圓融，清淨覺明，發研深妙，即立涅槃，而不前進。生勝解者，是人則墮，定性辟支。諸緣獨倫，不迴心者，成其伴侶。迷佛菩提，亡失知見。

子三、出名警覺

是名第十，圓覺■心，成湛明果，違遠圓通，背涅槃城，生覺圓明，不化圓種。

壬三、結害囑護分三 癸初、示因交互

阿難！如是十種禪那，中途成狂，因依迷惑，於未足中，生滿足證，皆是識陰，用心交互，故生斯位。

癸二、迷則成害

眾生頑迷，不自忖量，逢此現前，各以所愛，先習迷心，而自休息，將為畢竟，所歸寧地。自言滿足，無上菩提，大妄語成。外道邪魔，所感業終，墮無間獄。聲聞、緣覺，不成增進。

癸三、囑令保護

首楞嚴經卷第十四九三

四九四首楞嚴經卷第十四

汝等存心，乘如來道，將此法門，於我滅後，傳示末世，普令眾生，覺了斯義。無令見魔，自作沉孽，保綏哀救，消息邪緣。令其身心，入佛知見，從始成就，不遭歧路。

庚三、結示超證護持分二 辛初、先示超證 一、後示護持 辛初分三 壬初、諸佛先證

如是法門，先過去世，恆沙劫中，微塵如來，乘此心開，得無上道。

壬二、識盡所超

識陰若盡，則汝現前，諸根互用，從互用中，能入菩薩，金剛乾慧，圓明精心，於中發化。如淨■璃，內含寶月，如是乃超十信，



十住、十行、十回向、四加行心，菩薩所行，金剛十地，等覺圓明。

### 壬三、圓證極果

入於如來，妙莊嚴海，圓滿菩提，歸無所得。

### 辛二、後示護持

壬初、首明遵古辨析

此是過去，先佛世尊，奢摩他中，毗婆舍那，覺明分析，微細魔事。

### 壬二、正令諳識護持

魔境現前，汝能諳識，心垢洗除，不落邪見。陰魔銷滅，天魔摧碎，大力鬼神，褫魄逃逝，魘、魅、魍、魎，無復出生。直至菩

首楞嚴經卷第十四九五

四九六首楞嚴經卷第十四

提，無諸少乏，下劣增進，於大涅槃，心不迷悶。若諸末世，愚鈍眾生，未識禪那，不知說法，樂修三昧，汝恐同邪，一心勸令，持我佛頂，陀羅尼咒，若未能誦，寫於禪堂，或帶身上，一切諸魔，所不能動。

### 壬三、叮嚀欽古教

汝當恭欽，十方如來，究竟修進，最後垂範。

### 戊二、因請重明五陰生滅

己初、躡前請問 二、具答三問 三、

結勸傳示 今初

阿難即從座起，聞佛示誨，頂禮欽奉，憶持無失。於大眾中，重復白佛：如佛所言，五陰相中，五種虛妄，為本想心，我等平常，

未蒙如來，微妙開示。又此五陰，為併銷除，為次第盡？如是五重，詣何為界？惟願如來，發宣大慈，為此大眾，清明心目，以為末世，一切眾生，作將來眼。

己二、具答三問<sup>分三</sup> 庚初、答生起妄想 二、答因界淺深 三、答滅除頓漸 庚初<sup>分三</sup> 辛初、標說妄想之由 二、詳示五重妄想 三、總結妄想所成 辛初<sup>分三</sup> 壬初、推原生起元虛 二、判決倒計非是 三、結歸故說妄想 今初

佛告阿難：精真妙明，本覺圓淨，非留生死，及諸塵垢，乃至虛空，皆因妄想，之所生起。斯元本覺，妙明精真，妄以發生，諸器世間，如演若達多，迷頭認影。

壬二、判決倒計非是

首楞嚴經卷第十四九七

四九八首楞嚴經卷第十四

妄元無因，於妄想中，立因緣性，迷因緣者，稱為自然，彼虛空性，猶實幻生，因緣、自然，皆是眾生，安心計度。阿難！知妄所起，說妄因緣。若妄元無，說妄因緣，元無所有。何況不知，推自然者？

壬三、結歸故說妄想

是故如來，與汝發明，五陰本因，同是妄想。

辛二、詳示五重妄想<sup>分五</sup> 壬初、色陰妄想<sup>至</sup> 五、識陰妄想 壬初<sup>分三</sup> 癸初、示體因想

汝體先因，父母想生，汝心非想，則不能來，想中傳命。

癸二、引喻詳釋

如我先言：心想醋味，口中涎生；心想登高，足心酸起；懸崖不有，醋物未來，汝體必非，虛妄通倫，口水如何，因談醋出？

癸三、結名妄想

是故當知，汝現色身，名為堅固，第一妄想。

壬二、受陰妄想<sup>分二</sup> 癸初、轉想成受

即此所說，臨高想心，能令汝形，真受酸澀。

癸二、推廣結名

由因受生，能動色體，汝今現前，順益違損，二現驅馳，名為虛明，第二妄想。

壬三、想陰妄想<sup>分二</sup> 癸初、身念相應

首楞嚴經卷第十四九九

五〇〇首楞嚴經卷第十

由汝念慮，使汝色身，身非念倫，汝身何因，隨念所使，種種取像，心生形取，與念相應。

癸二、推廣結名

寤即想心，寐為諸夢，則汝想念，搖動妄情，名為融通，第三妄想。

壬四、行陰妄想<sup>分二</sup> 癸初、體遷不覺

化理不住，運運密密移，甲長髮生，氣銷容皺，日夜相代，曾無覺悟。阿難！此若非汝，云何體遷，如必是真，汝何無覺？

癸二、結名妄想

則汝諸行，念念不停，名為幽隱，第四妄想。

壬五、識陰妄想分四

癸初、縱奪真妄

又汝精明，湛不搖處，名恆常者，於身不出，見、聞、覺、知，若實精真，不容習妄。何因汝等，曾於昔年，**■**一奇物，經歷年歲，憶忘俱無？於後忽然，覆**■**前異，記憶宛然，曾不遺失，則此精了，湛不搖中，念念受熏，有何籌算？

癸二、正申喻示

阿難當知：此湛非真，如急流水，望如恬靜，流急不見，非是無流，若非想元，寧受妄習？

癸三、的指滅時

非汝六根，互用開合，此之妄想，無時得滅。

首楞嚴經卷第十 五〇一

五〇二 首楞嚴經卷第十

癸四、推廣結名

故汝現在，見、聞、覺、知，中串習幾，則湛了內，罔象虛無，第五顛倒，微細精想。

辛三、總結妄想所成

阿難！是五受陰，五妄想成。

庚二、答陰界淺深

汝今欲知，因界淺深：惟色與空，是色邊際。惟觸及離，是受邊際。惟記與忘，是想邊際。惟滅與生，是行邊際。湛入合湛，歸識邊際。

庚三、答滅除頓漸

此五陰元，重疊生起，生因識有，滅從色除。理則頓悟。乘悟併銷；事非頓除，因次第盡。我已示汝，劫波巾結，何所不明，再此詢問？

### 己三、結勸傳示

汝應將此，妄想根元，心得開通，傳示將來，末法之中，諸修行者，令識虛妄，深厭自生，知有涅槃。不戀三界。

乙三、流通分<sup>分五</sup> 丙初、較供佛之福 二、答獲福之多 三、歎滅惡之功 四、舉兩利之勝 五、結大眾法喜 今初

阿難！若復有人，■滿十方，所有虛空，盈滿七寶，持以奉上微塵諸佛，承事供養，心無虛度，於意云何，是人以此施佛因緣，

首楞嚴經卷第十 五〇三

五〇四 首楞嚴經卷第十

得福多不？

### 丙二、答獲福之多

阿難答言：虛空無盡，珍寶無邊，昔有眾生，施佛七錢，捨身猶獲，轉輪王位，況復現前，虛空既窮，佛土充滿。皆施珍寶，窮劫思議，尚不能及，是福云何，更有邊際？

### 丙三、歎滅惡之功

佛告阿難：諸佛如來，語無虛妄。若復有人，身具四重，十波羅夷，瞬息即經此方他方，阿鼻地獄，乃至窮盡十方無間，靡不經歷。能以一念，將此法門，於末劫中，開示未學，是人罪障，應念消滅，變其所受，地獄苦因，成安樂國。得福超越，前之施人，

百倍千倍，千萬億倍，如是乃至，算數譬喻，所不能及。

丙四、舉兩利之勝

阿難！若有眾生，能誦此經，能持此咒，如我廣說，窮劫不盡，依我教言，如教行道，直成菩提，無復魔業。

丙五、結大眾法喜

佛說此經已。比丘、比丘尼、優婆塞、優婆夷，一切世間天人，阿修羅，及諸他方菩薩、二乘，聖仙童子，並初發心大力鬼神，皆大歡喜。作禮而去。